

**JUAL BELI DAN MENGINGATI ALLAH S.W.T.
SURAH AL-NUR : 37**

رَجَالٌ لَا تُلْهِهِمْ تِجَارَةٌ وَلَا بَيْعٌ عَن ذِكْرِ اللَّهِ وَإِقَامِ الصَّلَاةِ وَإِيتَاءِ الزَّكَاةِ تَخَافُونَ يَوْمًا
تَتَقَلَّبُ فِيهِ الْقُلُوبُ وَالْأَبْصَارُ ﴿٣٧﴾

Maksudnya :

“ (Ibadat itu dikerjakan oleh) orang-orang yang kuat imannya yang tidak dilalaikan oleh perniagaan atau berjual-beli daripada menyebut serta mengingati Allah, dan mendirikan sembahyang serta memberi zakat; mereka takutkan hari (kiamat) yang padanya berbalik-balik hati dan pandangan.”

HURAIAN

Seorang manusia yang baik ialah mereka yang sentiasa berusaha meningkatkan taraf kehidupannya. Bidang ekonomi menjanjikan rezeki yang melimpah ruah sebagaimana sabda baginda s.a.w bahawa sembilan persepuluh (9/10) rezeki adalah dari bidang ini. Namun, sebagai manusia yang kuat imannya, aktiviti dan kemajuan perdagangan tidak sedikit pun melalaikan dari menunaikan amanah dan tanggungjawab yang perlu dilaksanakan terhadap Allah s.w.t. Solatnya mampu mendidik dirinya dan menjadi benteng kekuatan jiwa serta hartanya dilupakan dengan reda dan bersyukur. Sesungguhnya merekalah orang yang berjaya.

KESIMPULAN

Kekayaan yang diberkati oleh Allah s.w.t tidak akan menjadi penghalang dari mengingati Allah s.w.t dan mampu mengekalkan sumbangan demi kemajuan dan kesejahteraan ummah.

Sumber : *Koleksi Artikel Tafsir JAKIM*

© 2008 Masjid Negara Online.